

FILEMÓN

Pablo Filemórē ōādoredea

¹Yū Pablo, Jesucristoya kerere weredeade waja peresugue āārā. Marīyagū Timoteo merā mūrē ōādoreade. Filemón, mū gua maīgū, gua merā moāgū āārā.

²Yū gajerā Jesúre būremurā mūya wiigūe nerērārē, marīyago Apia wāikūgore, irasū āārimakū Arquipodere ōādoreade. Arquipo gua merā moāmi, gajerā Jesucristoya kerere pēburo, āriḡū.

³Marīpu āārīnīḡū, marī Opū Jesucristo musārē ōārō iritamū, siuñajārī merā āārīrikumakū iriburo.

Filemón gajerārē maīgū Jesúre būremugū āārīmi, āri gojadeade

⁴⁻⁵Yū Marīpūre sērēriku mūya āārīburire sērēbosāa. Marī Opū Jesúre mū maīrīrē, īḡūrē mū būremurīrē, gajerā Marīpūyarārē mū maīrīrē pēbu. Irasirigū Marīpūre: “Ōāa”, āri, usuyari sīa. ⁶Mū Jesúre būremusīā, īḡūrē būremurīrē gajerārē wereade, īḡūsāde īḡūrē būremuburo, āriḡū. Irasirigū yū Marīpūre: “Īḡūsārē weregū, āārīpereri Jesucristo marīrē ōārō iririre masīpeogu waaburo”, āri sērēa. ⁷Yaagu, mū Marīpūyarārē ōārō yūjupūrākumakū iribu. Mū īḡūsārē maīrīrē pēgu, yū mū merā ōārō yūjupūrākū, usuyāa.

Pablo Filemórē: “Onésimo mūrē moāboegure ōārō bokatīrīneāka!” āri sērēdeade

⁸Irasirigū yū Jesucristo buedoregu pīdi āārīsīā, mūrē doremasikeregu: “Āsū iriro gāāmeade, irasirigū irire irika!” āribirikoa. ⁹Maīrī merā gapū mūrē sērēduakoa. Yū Pablo būguro āārā. Jesucristoya kerere weredeade

waja peresugue āārā. ¹⁰Irasirigū Onésimōyamarē mūrē sērēduakoa. Īḡū, yū peresugue āārīḡū pūro eja, yū Jesúyare weremakū pēgu, īḡūrē būremunūḡāmi. Irasirigū yū magū irirosū āārīmi.

¹¹Jesúre būremuburi dupuyuro Onésimo mūrē ōārō moāboebirisīā, bēowāḡādi āārīmi. Dapora tamerārē marī pērāguereta iritamūmi. Yūre ōārō iritamugū yāmi. Mūdere ōārō iritamugūkumi. ¹²Irasirigū daporare mū pūrogu īḡūrē yū būro maīgūrē iriua. Īḡūrē ōārō bokatīrīneāka! ¹³Yū Jesucristoya kerere weredeade waja peresū āārīripoe mū yūre iritamuboadeare iritamudoregu, ōogūe īḡūrē yū merā dujamakū gāāmeadāa. ¹⁴Īḡū, yū merā dujamakū gāāmekeregu, mū gāāmerī direta iriduakoa. Irasirigū mū yūre: “Jāu”, ārimakū tamerārē yū doreri meta āārīrokoa. Mū gāāmerōsū waarokoa. ¹⁵“Gajipoe irigū Onésimo mūrē bēowāḡāḡū yoaripoe āārību meta waakumi. Dupaturi mū merā ōārō āārīnikōābu irasirikumi”, āri ḡūñāa. Irasirigū īḡūrē yū merā dujadorebirikoa. ¹⁶Īḡū mūrē moāboegu āārīkeregu, daporare Jesúre būremūmi. Mūya weregu irirosū āārīmi. Yū īḡūrē būro maīa. Mū gapū yū nemorō īḡūrē maīrō gāāmeade. “Yūre moāboegu āārīkeregu, Jesúre būremusīā, yā weregu irirosū āārīmi, irasirigū īḡūrē būro maīa”, āri ḡūñārō gāāmeade.

¹⁷Irasirigū mū yūre: “Yū merā moāḡū āārīmi gajerā Jesúyare pēburo, āriḡū”, āri ḡūñagū, yūre bokatīrīneārōsūta Onésimorē ōārō bokatīrīneāka! ¹⁸Īḡū gajino mūyare poyanorēdi, o mūrē wajamomakū, yūre wereka! Yū mūrē

wajarigukoa. ¹⁹Yu Pablo, yu basi ire murē ārī gojáa: “Yu wajarigura”. Irire irasū ārī gojakeregu, murē gaji gūñamakū irimasía. Jesúyare yu murē weremakū pégu, ígūrē buremunugābu. Irasirigu, yu murē weredeo waja yure wáro wajamogū irirosū āārā. ²⁰Irasirigu murē yaagure āsū ārī sērēa: “Mu marī Opu Jesucristore buremugū āārísíā, Onésimorē ōārō bokatīrīneāka!” Marī Cristoyarā āārā. Irasirigu yure ōārō yujjūrūrākumakū irika!

²¹I yu murē sērērírē: “Irigukumi”, ārī masía. Irasirigu ire murē gojáa. Idere masía. Yu sērērírē nemorō mu ōārō irigukoa. ²²Murē gojagu, gajidere sērēa.

Yure wiuadero puru, musā purogue waaduakoa. Irasirigu yu irogue ejaburi dupuyuro yu kārīburi taribure āmuyuka! Marīpu musā ígūrē sērērírē: “Jáu”, ārīmakū, musā purogue waagukoa.

Pablo Filemórē gojatūnudea

²³Epafras murē ōādoremi. Ígū Jesucristoya kerere weredeo waja yu merā peresugue āārími. ²⁴Yu merā moārā Marcos, Aristarco, Demas, irasū āārīmakū Lucas murē ōādorema.

²⁵Marī Opu Jesucristo musārē ōārō iritamuburo. Irasūta iriburo. Iropāta āārā. Pablo